



UNIVERSITÄTS-  
BIBLIOTHEK  
PADERBORN

Provincia Rhenana.

---

[urn:nbn:de:hbz:466:1-66783](#)

P R O V I N C I A  
R H E N A N A

ABET in Rhenana Provincia So-  
cetas sedes nouem, in quibus nostri  
ducentorum sexaginta quinque sum-  
mam in viuersum efficiunt. Colonia  
Agrippine triginta commorantur,  
Treueris sexaginta, Moguntia duo & quinquaginta,  
Heripoli in Orientali Franconia tres & quadraginta,  
Spira quattuordecim, Fulda in Buchonia viginti  
sex, Heiligenstadij in Eisfeldia duodecim, Confluen-  
tiæ ad Mosella fauces decem, Molshemie in Alsatia  
nostrorum numerus varius fuit; ita tamen, ut neque  
plures viginti quattuor, neque pauciores quattuorde-  
cim numerati sint. Factæ præterea sunt insigne missio-  
nes due, altera Aquigranum, altera Lutzenburgum;  
quibus addi potest Paderbornensis, in qua secun-  
dum iam annum e nostris aliquot versantur. Ex hoc nu-  
mero mortui sunt quattuor: Ad Societatem adiuncti  
septem & triginta.

## COLLEGIVM COLONIENSE.

T Rigesimus iam annus est, cum nostri in hac ciu-  
tatem uenerunt, neq. toto hoc tempore uel pa-  
catis-

etatis rebus, multorum Principium uirorum contentione, ipsiusq. Pontificis maximi litteris, ut in ea certam sedem ac domicilium haberent, impetrari umquam potuit. Hoc demū anno, quo Reip. orbis uniuersus, hæreticorum temeritate peruersus erat; ædes nostris recentes, amplæ, immunes, atq. ad nostra ministeria exercenda percommoda a Ioanne Sunollinge D. Andreæ Decano, totoq. Capitulo attributæ sunt, multoq. in dies maiora speramus. quorum etiam liberalitate factum est, ut, cum nulla fere ueltigalia Collegium habeat, eleemosine collatæ ad triginta & eo amplius Socios alédos satis fuerint. Nostrum Gymna siū septē in classes diuisum, discipulos mille circiter continet: qui numerus per se non exiguis, eo etiā maior videri debet; quod aliae duæ preterea sunt in hac urbe Academiz; quæ, licet multo quam nostra inferiore frequentia, celebrantur tamen. Quo secundo scholarum nostrarum progressu conturbati quidam, cū eius rei caussam inuestigarent; Doctor Theologus præcipua existimatione uir, Iesuitas vnicum currum vnicum funiculo trahere respondit: animorum uidelicet conspirationem concordiamque, qua res parvæ crescunt, significans. Conuictorum vero nostrorum centum numerus est, aut non multo secus; adolescentes omnes honestis orti parentibus, naturaq. ad uirtutem propensi. Idem etiam aliorum Discipulorum studium pietatis est; ex quibus octo Magistrorū insignibus cohonestati, ad Societatem accesserunt: octodecim ad uarias Religiosorum familias aggregati sunt. Sodalitas Deipare Virginis, quæ paucis ante annis instituta fuit, ab exci-

guis.

guis profecti initij eo creuit, vt cum in multos religiosos cœtus introducta sit; tum uero in quinque classes, ob multitudinem eorum, qui nomina darent, eam distribui necesse fuerit. Horum incredibilis quedam existit alacritas cum in voluntarijs pœnis christiano ritu subeundi, tum in ceteris hominibus ad catholicam pietatem traducendis. Quidam cum simulatione pietatis quadriennium circiter hæresim Caluinianam occultasset; tandem nostra institutione aliorūq. exēplo ita excitatus est, vt commutata volūtate hæresim abiuravit; multisq. lacrimis generalem inteat. & uit. & confessionem fecerit, magnamq. librorum hæreticorum uim ad Magistros detulerit, vt comburerentur. Alterius adolescentis monitu semina primaria luxui dedita, cum universa familia generali confessione expiata, cognatis quamquam iniuitis ac renitentibus, honestam uit. & rationem iniuit. Ex his adolescentibus, sacrosanctæ præsertim hebdomadē sollemnibus, alijs ante sepulchrum in domestico sacello excitatum precabundi pernoctarunt, verberibusq. in se ipsos seuerirunt; alijs humi ad lignum pro cervicali recubuerunt, aut genibus nixi, brachijsq. crucis specie extensis, rosaria sæpius percurrerunt, cilicia gestarunt; alijs uotiuas peregrinationes suscepérunt. quæ ab adolescentibus tanta cum animi alacritate lœtitiaq. præstari, eo etiā admirabilius est, quo magis hæc ab hæreticis, inter quos degunt, omnibus tormentis & machinis oppugnantur. Præterea si quos morbo, domesticaque solitudine laborare senserint, horum non corporibus solum consulunt, quantum in ipsis est, uerum etiam animis. Itaq. panem ijsa  
cete-

ceteraq; ad victū cultumq; corporis necessaria ostia-  
tim emendicant, magnaq; caritatis significatione mini-  
strant: quod officij genus illis exhibent maxime, quos  
nouerint hæresis labe infectos, ut eorum corporibus cu-  
randis, animi quoque conualecant. Hæc de nostrorū  
Discipulorum probitate fama cum percrebuerit, fit,  
ut precibus litterisq; ad principū uirorum filios priua-  
tim instituēdos, aut ad publice in Collegiatis Ecclesiis,  
Monachorumq; cœnobis docendum, aut populos re-  
gundos certatim expetantur. Bacalaurei ex ijs septem  
⁊ triginta, Artium Magistri unus ⁊ triginta facti  
sunt. Acta præterea est D. Cæciliae historia, cuius ex-  
spectatio sola proceres aliquot excitauit, ut in ornatū  
theatri, aliosq; sumptus non exiguam pecunia summa  
conferrent: ipsa nero actio nonnullos D. Cæciliae exē-  
plo induxit, ut duodecim studiosos iuuenes pauperes  
ad coniuuiū inuitatos, pecunia, vestibusq; nouis dona-  
rent. Conciones in æde maxima, ceterisq; templis, Vir-  
ginum præterea sacrarū ac uirorum cœnobis, insigni-  
cum animorum fructu habitæ sunt; pluribus insuscep-  
tae ratione confirmatis, ⁊ generali confessione  
expiatis. Quadraginta quinque hominum millia in æde  
nostra Christi corpus suscepserunt, multoq; plures con-  
fessi. Generales insignium sexus utriusque persona-  
rum confessiones auditæ ducentæ sexaginta sex; in his  
nonnullæ eorum, qui aut tredecim, aut viginti, aut tri-  
ginta, aut quadraginta, aut etiam plures annos ingen-  
tia flagitia reticuerat. Trecetæ amplius simultates dis-  
fidiaq; inter coniuges, aut filios parentesque sublata.  
Quibus rebus inductæ multæ sunt honestissimæ semi-

na, ut

nx; et matrimonij fidem sancte colerent: *Virgines & Viduae*, et in virginali castimonia pudicitiaq. persistenter: quarum nonnullæ amplissimis ortæ familijs, rebus omnibus nuncio remisso, Christo sese consecraruunt, vitamq. seueriorem suscepereunt. Quinquaginta item in plurimis adulterijs incestisq. vel cum ipso Dæmonе volutat.e, ad honestos mores reuocat.e sunt. Tres a me retricio questu ad Pænitentium, quas vocant, vitæ genus traductæ, harum vna cum desperationis fluctibus vehementius iactaretur; mentis tranquillitati redditæ per nostros est. Quinque & triginta; qui parvum à fide defecerant, partim defectionem meditabantur; ad catholicæ Ecclesiæ gremium rediere. Duo Monachi, cum sese incestis nuptijs miscuissent, alter etiâ se a Catholicæ fide impie seiunxisset, ad religiosam iterum disciplinam reducti sunt. Sacerdos nouem annos in pastorali munere inter hereticos vixerat, quo toto tempore nūquam crimina expiauerat; hic generali confessione facta, prouinciaq. illa tam animo periculosa deposita, cum Ro. Ecclesia in gratiam redijt.

### COLLEGIVM TREVIRENSE.

**C**ollegij Trevirensis familia duobus constat ordinibus. Primus eorum est, qui tum docendo, tum concionando, tum confessionibus audiendis, alijsque ex instituto muneribus, in salutem proximorum incumbunt. Alter Novitiorum, qui versantur in probatione. Horum egregium virtutis studium, & in suscep. vitæ consilio constantia spectata est. Germanus adolescens

Philo-

Philosophiae curriculo confecto, nostrae esse se volébat  
Societatis. ea re cognita parens filium reuocat in pa-  
trium, atque in medium rerum forensium tumultum  
detrudit; et sic videlicet Societatis, ad quam blanditijs  
inductu a nostris sibi persuaserat, sensim obreperet o-  
bliviorum autem duos ipsos annos tum parens, tum a-  
mici constantiam iuuensis frustra oppugnassent; liber  
tandem ab iis dimissus ad nos est. Alter plurimis natu-  
ræ bonis instructus atque ornatus, iuris iurandi religio-  
ne seipsum obstinxerat; Societatem se ingressurum: sed  
vt est illa etas lubrica, malorum consuetudine in per-  
ditissimos mores ita prolapsus est; vt, quo sibi omnem  
religionis aditum præcideret, legum studio sese addixe-  
rit. Is unius e nostris litteris, qui veteris ipsum iurisu-  
randi admonebat, ita commotus est, vt ne salute qui-  
dem familiaribus dicta, Treuiros illico ad P. Pronin-  
cialem contenderit, atque ad genua prouolutus, vt in  
Societatem adscriberetur, vehementer petierit. postea  
vero litteris atque internuncijs a patre sollicitatus, ta-  
men in suscepio consilio fortiter perseverat. Tertius  
Lotharingus est, parentibus locupletibus natus, ar-  
tiumq. Magistri insignia Treueris consecutus, cui etiā  
opimum sacerdotium fuerat desponsum. Is cum spiri-  
tibus exercitationibus vacaret apud nos, Deo duce-  
mentem Societatis ingrediend suscepit. Qua re pater  
cognita Treuiros venit, aduocatioq. filio, eius consilium  
multis verbis in presentia laudauit, quod se Deo addi-  
xisset; discedensq. filium in diuersorium inuitauit. Ne-  
gare nostri, magnum esse affirmantes in egressu peri-  
culum: sed cum pater instaret uehementius, filius ani-

mi

mi incertus in patris sententiam concedit. Hic pater persona, quam sumpserat ad tempus, reiecta; filium alternis blandiendo, minandoque a suscepto, consilio frustra conatus est auocare. atq. ut omnem fugax spem filio praecideret, eñ semper sibi affixum habebat, secundum in eodem conclavi lectoq. clavis foribus, simul cubare cogebat. Postridie cum à prandio ceteris omnibus digressis, filius paterq. soli reliqui essent, & pater obdormisceret; adolescentis animo multa uersans, tandem cubiculi fores clam reserat, patrisq. pallio sumptio ad Collegium redit. Eodem paullo post uenit pater, ira incensus, filiumq. sibi resistui iubet. Negauit P. Rector ab se adolescentem aut fallacijs abductum, aut in uitum retineri; illiq. integrum esse manere, nec nevenientem autem ad religionem nec potuisse, nec uero debuisse repellere; simul adolescentem iubet accersiri. quo pater querit, cur fugerit: dicere incipientem interpellat; pugnoq. intento, mortem, ni secum abeat, minatur. Cum iuuenis praece negaret; vi eum rapere voluit, comitesq. ut iuarent, monuit: sed clavis Colle gū foribus eorum impetus fractus est. itaq. re infecta surens è Collegio erupit. Redit postridie pater, filiumq. repetit; P. Rector idem quod superiore die respondit, sequum scilicet sibi non videri, vt aut quis iniuitus a religione pellatur, aut in religione retineatur iniuitus. Hic ille ira impotens vix à nobis manus abstinuit; dixitq. venditis omnibus, habitationeq. Treuiros translata, setēpora omnia obsessurū, vt vel in tēplo filium sua manu confodiat: cūq. frustra Suffraganeum, aliosq. principes uiros in nos incitare conatus esset, reuertit in patriā.

Disci-

Discipuli mille numerantur, honesto loco nati plu-  
rimi, in his Conuictores octoginta, ex quibus adsciti  
sunt in Societatem Philosophi tres. Inter externos di-  
scipulos conuictoresq. B. Virginis Mariae instituta so-  
dalitas est, ita ut singuli binos cætus separatim habeat,  
in quarū alterū adolescentes superiorū classiū, in alte-  
rū inferiorū adscribatur. Hi quattuor cætus quattuor  
inter se B. Virginis præcipios festos dies distribuerūt,  
quos orationibus, carminibus, frequenter etiam dia-  
logo celebrent. Qui autem hoc anno in templo nostro  
sacram synaxim sumpserunt, eorum est summa. 22.  
millium; ut interim eos taceam, qui à nostris per con-  
fessionem expiati, suis in parœcijs illud sacramentum  
obiere. Confessiones auditæ plurimæ etiā eorū, qui an-  
nos viginti trigintaue magna scelera occultabant, aut  
numquam omnino in uita fuerant confessi. Unus è no-  
stris quinquaginta supra quingentas generales confes-  
siones exceptit. In sacerdum quoq. Virginum monaste-  
rijs præclare opera collocata est: unius siquidem mo-  
nasterij Virgines omnes, totius anteactæ uitæ genera-  
lem confessionem instituerunt; itaq. multæ in religio-  
sæ uitæ ratione confirmatæ, aliæ ad animi tranquilliti-  
atem ac morum facilitatem traductæ. Unus ut à se  
deserta religionis castra repeteret, adductus est. Mulie-  
res à flagitiosa uitæ consuetudine reuocatæ non pau-  
ca. quarum una cù annos quindecim insciente marito,  
rem cum adultero habuisset; nocte quadam à dæmone  
sublimis rapia est: filia uero clamante, matremque,  
ut Dei opem imploraret, adhortante, lecto restitui-  
tur. Hanc postea cum re cognita maritus dimittere  
vellet;

uellet; opera nostrorum effectum est, ut, fide mutuo  
data acceptaque, res tota obliuione perpetua delere-  
tur. Altera ex perpetuis coniugij molestijs desperatio-  
ne concepta mortem sibi consciscere constituerat; &  
quo facinore filij trimi vocibus renovata, max confessio-  
riū adiit, animiq. tranquillitati restituta est. Caput  
etiam dānatis p̄nōto fuimus; ex quo numero unus nobili  
genere natus ad catholicam fidem conuersus est. Iacobus  
Treuenensis. Archiepiscopus tum alias s̄ape-  
tum extremitate tempore, quanti Societatem face-  
ret, declarauit. Pridie enim eius diei, qui sanctissi-  
mæ Trinitati sacer est; sacros ordines in æde nostra  
contulit, uestesq. multas sacras auro intextas magni  
precii dedit. Ipso autem S. Trinitatis die, rei diuina  
interesse, cereum, ut sollempne est, accipere, pran-  
diumq. nobiscum inire constituerat: sed ipsa nocte mor-  
bus ingrauescens illius cogitationes dissipauit. D. ita-  
men Præposito suas vices delegauit. Die Sabba-  
ti subvesperam subitus morbus omnes illi sensus ade-  
mit; tandem redeunte animo, uoces illas identidem  
iterabat, O sancta Societas; quibus verbis, quantum  
sibi in Societatis precibus præsidium constitutum arbi-  
traretur, ostendit: atq. ita extrellum spiritu Dec redi-  
dit. Archiepiscopi morte complures existimabant  
actum esse de Societate; nosq. nostro patrono destitu-  
tos, breui ex urbe exterminatum iri. Sed nimiri Deus  
præsto iis est, quorum consilia omnia ad ipsum referū-  
tur; paucis enim post hebdomadis Ioānes Schonebergh  
Præpositus, nosræ Societatis amantissimus, in demor-  
tui locum suffectus est. Is postridie quam Episcopus  
creatus

creatus est, P. Provincialem, et P. Rectorem ad pran-  
dium humanissime inuitauit. cumq. de bonis Collegio  
donatis controuersia excitata esset; edixit nequa eius  
rei, utpote iniustæ, iudicium, aut actio postulantibus  
daretur; pœnis etiam, si opus esset, hominum audacia  
coerceretur. Idem, cum uiri aliquot grauissimi essent  
auctores, ut nos perinde ac ceteri religiosi, ex Collegij  
censu, ad Imperij difficultates subleuandas, tributum  
conferremus; restituit semper, atq. ut nostris priuile-  
gijs & immunitate frueremur, effecit.

COLLEGIVM MOGVNTINVM,  
& Herbiopolense.

**M**oguntinum gymnasium auditoribus septingen-  
tis frequentatur; in his Conuictores octoginta  
numerantur. Magistri Artium facti sunt viginti, Bacca-  
laurei duo et triginta. Ex ea familia famulus unus de-  
cessit; qui cum ingranescente morbo cæcus factus esset,  
oculorum usum aqua benedicta diuinitus recuperauit.  
Euocantur identidem in pagos nostri, ut Parochos con-  
fessionibus audiendis, alijsq. pijs muneribus iuuent.  
quare unus e nostris confessiones excepti ducentas;  
Parocho ademit concubinam: duos adduxit, vi preces  
horarias recitarēt; quattuor, ut ante sacram synaxim,  
cum inimicis redirent in gratiam. Duo ab hæreticorum  
erroribus ad Ro. fidei veritatem transferunt, unus Sa-  
cerdos, qui hæreseos semina sparserat in patria: Polo-  
nus alter, qui cum ad oppugnandum Sanctorum cultū,

M sex

sex & viginti argumentis instructus Basilea venisset,  
primo congressu manus dedit.

Heripoli ab hæresi ad Catholicam fidem, quadra-  
ginta reducti sunt. ex quorum numero Sacerdos fuit  
quem flagitiosa mulier ad hæreticos pertraxerat, vi-  
sic videlicet nefarijs amoribus operam licentius da-  
rent. Alter concionator fuit, qui multis Germanie  
Prouincijs peragratis, plurimos mortales tum dicen-  
do, tum scribendo hæreseos labo infecerat. Hic tandem  
post multos sermones cum nostris habitos, hæresim  
publice in æde nostra abiurauit; atque in Conuictorum  
domum admissus, sanctissima sacramenta diu frequen-  
tauit: inde profectus in patriam, sorores & amicos ad  
Catholicam religionem excitauit. Alij ne magno qui-  
dem proposito periculo, a Catholicorum & nominatim  
nostrorum consuetudine deterreri potuerunt. In hospi-  
tali quadam domo cum omnes plurimis erroribus im-  
buti eßent, nostri Sacerdotis opera & consilio ad ve-  
ritatem redierunt. Eadem exstitit Sodalium B. Virginis  
in hominibus iuuandis industria: ad orthodoxam  
enim fidem & viginti reuocarunt; ad Christi corpus susci-  
piendum octoginta impulerunt; ducentos quinquaginta  
duos, ut crimina confiterentur, induxerunt: ex qui-  
bus virginis, vniuersitate & confessionem instituerunt.

#### COLLEGIVM SPIRENSE.

**S**piræ ducenti Auditores numerantur; plures om-  
nino futuri, nisi ciuitatis lege prohiberentur: eoru-  
tamen egregium religionis studium est. Puerus,  
puerili

puerili quidam morositate , ut parentes hæretici toto  
Quadragesimæ tempore carnis abstinerent, effecit:  
idem matrem induxit , ut nostras conciones audiret,  
quod affirmaret fore, ut æterius inferorum ignibus ad-  
diceretur, ni mature ad Catholicam fidem reuertere-  
tur. Alter item decennis, cum apud patrem accumbe-  
re, carnisq. vesti Quadragesimæ diebus cogeretur;  
carnes oblatas artificiose incidit; & in saccum conie-  
cit. Hæresi liberati septem & viginti; quorum pleriq.  
errorem cum nutricis lacte fuxerant. Ciuis Spirensis  
filia Dæmone correpta est; hanc sanare aggressi hære-  
tici, fere perdiderunt. itaque, quamquam ijs repugnan-  
tibus, ad templum nostrum tandem venit; ibiq. hære-  
sim detestata, Christi corpus sumpsit, atque in sanita-  
tem illico restituta est. Mulier cum mariti precibus  
exorari se passa esset, ut extra urbem ad hæreticorum  
baptismum celebrandum, & infantem suscipiendum  
profici sceretur, eiusque rei inter baptismi sollemnia  
religio quadam illi esset oborta; imperfecta omnia reli-  
quit, & in urbem rediit. Ferdinandus Bauariæ Dux  
cum iter in Eburones haberet, noctem unam hic substi-  
tit: ac postridie priusquam vice se commisit, templum  
nostrum religionis causa adiuit, & singulos comiter  
salutauit. Quæ res argumento fuit, quanto Societatem  
nostram amore clarissimus Princeps prosequetur.

## COLLEGIVM FULDENSE.

**Q**uam utiliter Fulda nostri uersentur, uel ipso-  
rum hostium testimonio comprobatur; qui né-  
gant

M 2

gant ullum in tota Buchonia veteris religionis studiorum reliquum futurum fuisse, ni se hoc Societas contulisset. P. Rector, cū ferijs Paschalibus de augustissimo Eucharistiae sacramento sex horas concionatus esset, æquissimis omnium tum hæreticorum tum Catholicorum auribus usus est. qua concione inducti hæretici plurimi sunt, vt Confessionis & Eucharistiae sacramenta obirent. Quo fit, vt cum multi hac iter negotiorum causa faciant, ij ad suos reuersi summis laudibus Societatem extollant: ex quo numero Consul Prætorq. hæreticæ fuerunt ciuitatis, qui concionatorem nostrum in cælum ferunt. Eandem de Societate opinionem Fideslariæ noster Sacerdos concitauit, qui cū ab oppidi Canonicis rogatus esset, vt concionem haberet; & que Catholicis & Lutheranis, qui ad audiendum curiosius confluxerant, satisfecit. Frater item Coadjutor profectus in patriam, adeo suos sibi ciues vitæ exemplo, & familiaribus colloquijs de penitentiæ fructu institutis, conciliauit; vt nullo modo vellent a se hominem dimittere: ac faterentur hactenus se in magna rerum diuinarum ignoratione versatos: Parochio scorbutum detraxit; atque vt eius rei emendationem publice promitteret, effecit. Itaque iam vel ipsos hæreticos laudatores habemus. cum enim frequenti procerum conuentu quidam nos criminibus maledictisq. proscinderent; Lutheranus vir primarius nostram defensionem acriter suscepit, illaq. omnia, quæ conferrentur in nos, ficta esse dixit; seq. cum studiosissime in nostram vitam moresq. inquisisset, nihil iure reprehendere umquam potuisse. Venit ex Polonia nobilis senex, amum-

cen-

centesimū sextum agens, qui nostrorum conspectu plurimum recreatus est, quod iampridem Catholicum nullum uidisset. Is digressus a nobis paucorum dierum itinere, in morbum incidit; statimq. Fuldam se reduci iussit, ut in nostro templo sepeliretur; atq. vt id impetraret, vrbis Gubernatorem deprecatorem adhibuit. Itaq. & mortuo funus quam amplissimum curatum est a Sodalibus B. Virginis, pompaq. per forum vectas: mouit maxime admirationem ciuitati, quæ ad spectaculum conuenerat, florum sertorumq. uis, quibus ille suas exsequias celebrari iusserat, vt perpetuo a se cubta virginitatis testes essent.

### COLLEGIV M HEILIGEN- stadiense.

**H**EILIGENSTADIJ pestilētia late gravata est in ciues Senatoresq. sed quamdiu fuit, qua Dei benignitas est, nos non attigit. Neque tamen interea concionandi, doctrinamq. Christianam docendi consuetudo interrupta est. Omnino magnum est Societatis nomen in his partibus, atq. ab ea sibi multum hæretici metuunt: nonnullisq. in locis publico edicto, multa etiam proposita, cautum est, ne quis ad nostras conciones ueniat. Astrologus quidam ex eorum grege vaticinatus est nuper, fore, vt nostri Hassiam vniuersam occupent. Ciuis quidam annos natus septuaginta, cum membris omnibus captus ac debilis domi decumberet; annū alterum & trigesimum Pænitentiae & Eucharistiæ Sacramentis caruerat. Is cum Sacerdotem nostrum euocasset,

M 3 casset,

casset, dixit sibi a parente, anno domini 1525 predi-  
ctum, fore ut ipse in granissimas malorum tempesta-  
tes incideret; posth.ec venturos spectatæ doctrinæ ac  
probitatis viros, a quibus confirmaretur; eos existima-  
re se nos esse. itaq. Sacerdoti confessus, ab eodem,  
Christi corpore, quod abesset Parochus, impertitus est.  
Hæretici conuersi sunt octo & triginta, in his Ludima-  
gister, Iurisq. consultus magno rerum ysu uir. Paro-  
chi salutaribus monitis ad gregis custodiam instructi;  
ex quibus unus concubinam dimisit. Apostata ite post  
quintum demum annum ad religionem reductus. Qui-  
bus rebus effectum est, ut uetus pietas atq. religio in  
hanc urbem rediisse uideatur: nam & pie admodum  
sacrificio Missæ dant operam: palam rosaria gestant,  
supplicationes publicas rite habent; cumq. Christi sa-  
crum corpus circumfertur, magna pietatis significa-  
tione prosequuntur; aliaq. non parua Christiani animi  
signa dant.

### COLLEGIVM MOLSHEMENSE.

**N**eque mitior fuit annus Molshemensibus ciuibis  
studiosisque, nosq. inter contagionē Deus Opt.  
Max. seruauit incolumes. Quo tempore admirabilis  
quæd. in caritas, amorq. in nos singularis omnium ci-  
uium exstitit; cum certatim villas nobis, quo nos reci-  
peremus, offerrent. Argentinensis Presul omnia, quæ  
ad Societatem augendam pertinent, tanto studio susci-  
pit; vt tametsi id cum multis faciat, eius tamen rei  
principatum appetere videatur: nam & pestis reme-  
dia

dia magni precij donauit, nobisq. permisit, vt de tribus locis eligeremus, in quem nos met pestilentiae tempore conferremus: muris nouis & altis Collegium sepsit, & amplam edificationem aggressus est, que Collegium, domum Conuictorum, scholasq. unico ambitu complectatur, opere eleganti & sumptuoso. Iacta sunt fundamenta Idibus Martijs, quo die is cum P. Rectore primum lapidem rite posuit; tum certatim alii, qui presentes aderant, saxa in fundamenta coniecerunt. testatusq. Princeps est, in ea se re unam Dei gloriam, Ecclesiae Catholicae amplificationem, suaq. diocesos utilitatem spectare. Morbi tempore P. Rector Tabernas nobile Alsatiæ oppidum excurrit; concionibusq. ita multos permouit, ut sperarent breui antiquam religionem restitutumiri; pleriq. etiam ægre ferrent in concedendo Collegio sibi Molshemenses prælatos; mulii etiam sua se pecunia Collegiū nobis edificaturos pollicerentur.

## COLLEGIVM CONFLVENTINVM.

Ciuitatis Præsul nihil in nobis colendis ornādisq. prætermisit, quod aut in re aut in uerbis positū sit: ut primum enim Archiepiscopus ipse creatus est; illico ad fundandum Collegium hoc animum adiecit; atque ubi se obtulit occasio, omnia eius in nos studia extiterunt insignia. Nec uero nobis Archiepiscopus amicior, quam cuncta ciuitas: Senatus enim, simul ac ludum primum aperuimus, magnificentium gymnasii edificium

M 4 ficium

ficium inchoauit; quod ut speramus, breui absoluetur.  
Obiit in hac ciuitate P. Gulielmus Ruissembergh, qui  
tantum apud omnes desiderium sui reliquit, vt Ar-  
chiepiscopi Cancellarius, vir de Rep. & Societate opti-  
me meritus, in litteris, quas ad familiarem dedit, ad-  
scripsit, maiore benevolentia desiderioq. prosecutus  
Confluentinos unius Iesuitæ mortem, quem proceris  
cuiusdam, qui per eos dies uita deceperat. Ex Consuli-  
bus alter ab heresi Caluiniana ad Catholicam fidem  
traductus est, librosq. hereticorum, quotquot domi  
habebat, Kalend. Ianuarij munera loco ad nos misit.  
Is, cum ageretur in Senatu de recipiendis Belgis exsuli-  
bus ea lege, ut fidem publice profiterentur; acerrime  
restitit, cum id nequaquam satis esse diceret, sed nece-  
sarium præterea esse, ut eodem sacrosanctæ Euchari-  
stiæ sacramento uterentur. Nestri gymnasii archite-  
ctus ad Catholicam religionem propensus, nondū om-  
nem ex animo scrupulum exemerat. itaque aliquando  
sororis virum ex Lutherana prædicantium familia, se-  
cum deduxit ad Collegium, eumq. cum nostro concio-  
natore commisit: consilium erat, qua ostenderetur vi-  
ctoria, eose inclinare. Cum autem Lutheranus in eum  
locum vi ueritatis deductus esset, vt & magistrum  
suum pugnantia loqui, & Patrum S. R. E. admira-  
bilem esse confessionem fateretur; Architectus sese  
ad Romanam Ecclesiam adiunxit. Alter à primis an-  
nis heresi imbutus à concionatore nostro, in quem ipse  
solebat in omni sermone multa probra conuicere; gene-  
rali confessione expiatus & cù Ecclesia reconciliatus  
est. Supplicationem in hac vrbe habere mos erat, in

qui

qua patria carmina hymnosq. B. Virginis Mariæ ciues decantabant. hic mos viginti iam annos hæretorum calumnijs interruptus, a nostro concionatore reuocatus est. Apostata ut sceleri desertæ a se religionis honestâ aliquam excusationem prætenderet, multorum criminum Superiores suos Fratresq. ceteros insimulabat; hic item a nostris ad monasterium est reductus. Hebræa Virgo cœlestibus quibusdam visis ad Christi fidem impulsa, christianis præceptis imbuta a nostris est, & sacro fonte in maxima urbis parœcia lustrata, inspectante Archiepiscopo Treuirense; qui cum puellam baptizare non potuisset, eam tamen e sacro fonte suscipere voluit, grauique oratione ad constantiam cohortatus, do tem præterea & honestam habitationem illi curauit.

## MISSIO PADERBORNENSIS.

**P**aderborna ciuitas Cathedralis est in Occidentali Saxonia, quam tunc Westphaliam vocant; ibi Socij aliquot, anno superiore à nobilium Canonicorum Collegio euocati, populis eruditendis utiliter inuigilat. Atque initio quidem calumnijs & concionibus improborum exagitatis, patientia modestiaque aduersarios non fregerunt solum, sed etiam plurimorum sibi animos & benevolentiam conciliarunt. Canonicos vero habemus nostri studiosissimos. Cum quidam Epithalamum scripsisset, quo in Pontificem, Ecclesiam, castitatis cultores inuehebatur; id ægre adeo tulerunt Canonici, ut Rectori, cuius id culpa factum videbatur, coniunctionem mirificum fecerint; habitoque. Canonorum

&amp; Ma-

¶ Magistrorum conuentu, iussent a Sacerdote nostro librum publice refelli. quo iudicio multorum licetia repressa est, qui famosos libellos tum in nos, tum in Romanam Ecclesiam conscriptos quotidie in populum spargere solebant. In temulentum præterea hominem, qui in quendam nostris petulantius insultasset, grauius animaduertissent; nisi supplicium illi essemus deprecati. Mulier energumena, quæ obuios quoque pugnatis, lapidibus, omniq. telorum genere petebat, adducta ex vicinis locis ad nos est, ut catholico ritu dæmonem fugaremus. Hæc dum in templo exorcizatur, subito impetum fecit in primarios adolescentes Lutheranos, qui cū se præsenti mulieris furori subtrahere non possent, aqua benedicta illi obiecerunt. mirum dictu: repente omnis ille impetus concidit. Cum autem virgeret Sacerdos Dæmonem ut egrederetur, respondit is migraturum se in proceris cuiusdam, qui aderat, cincinatos. negauit Sacerdos, tum ille, ad mulierem, si accidat ut expellatur, redditurum se dixit; id etiam se insciente fieri Pater prohibuit. tandem cum magna pituit. epi, mulier Dæmonem quoque evanuit. Paucis post diebus Sacerdoti vigilanti nocte intempesta Dæmon adstitit, suumq. se domicilium, ex quo fuisset exturbatus, repetere dixit; id se, ipso ignaro non ausum: ex quo itidem domicilio secundo, ¶ tertio a Patre expulsus est. Quæ res cū uulgata esset, plurimi huiusmodi homines ad nos deduci sunt; quorum plurimi quæ Deo gloria sit, curantur nullo alio remedio, quæ aqua benedicta, ¶ sacris agnorum Dei cereis imaginibus. In Sarisia (loci nomen id est) Monasterium est cui

cui praeest ex Comitibus de Columna mulier prudēs, Latinis Gr̄ecisq. litteris instructa; h̄c nobis aucto-ribus illius familie mores egregie correxit, neq. ad eā familiam aggregari aliquam patitur, quæ in Catholi-cam religionem non iurauerit. Aliud in Saxonia Mo-nasterium cernitur, quod fama est olim a trecentis mo-nachis incoli solitum, qui cum sibi inuicem ad sacras preces recitandas succederent, in perpetua quadam diuinarum laudum statione erant. quorum pietas illu-stri miraculo diuinitus comprobata est: nam diu singu-lis annis, dominica tertia Quadragesimæ, Angeli duo calo delapsi, noctu palam e matutinis precibus Respon-sorium de Ioseph Patriarcha præcinebant. Stetit haec disciplina annos 300. paullatim postea bellorum tu-multibus, Th̄æreticorum incursionibus dilapsa est, tan-taq. multitudo ad decem redacta. Abbas Imperij Prin-ceps bis nostrum concionatorem euocauit, ut ad Abba-tum conuentū, & reliquam multitudinem, quæ ad nun-dinas confluxerat, de rebus diuinis verba faceret. Cum autem fama dissipata esset, Iesuitam in Monasterij & de concionaturū, ingēs hominū multitudo ex Saxonia, Brūsichia, ceterisq. vicinis locis confluxit, in his nume-rati sunt concionatores 50. partim Lutherani, partim Caluiniani: ac maximi Superintendētis ea fuit senten-tia, dignam esse concionem, quæ typis ad posteritatis memoriam mādaretur; neque se adduci posse, ut crede-ret hominem Iesuitā esse, secus enim se hactenus de il-lius ordinis hominibus sensisse; diuersam uidelicet & Christi præceptis doctrinam eos tradere.

M I S-

## MISSIO A Q V E N S I S.

**N**Vllus fere iam locus est, quo hæc hæresū pestis non  
peruadat: seroq. resistimus ei, cum aliqua Prin-  
cipiū virorū aut dissimulatione, aut incuria confirmata  
sit. Id nuper experti sumus in Aquensi Rep. in qua, al-  
ter annus est, cum parua hæresis scintilla contempta,  
tantum excitauit incendium, ut vereamur, ut aliquan-  
do possit extingui. Unus repertus est Ecclesiæ B. Ma-  
riæ Decanus vir clarissimus, qui primam periculi pro-  
cellam exceperit, ac tum concionibus tum auctoritate  
sua sustinuerit aliquamdiu: sed cum ingrauescenti in  
dies malo unus diutius resistere non posset, a P. Pro-  
vinciali auxilium petiit. Aquisgranum profecti nostri  
statim sic populum ad prisca religionis studium exci-  
tarunt, ut dies noctesq. cum ea omnes cura excubaret,  
ut præsenti malo mature obuiā iretur. Ex altera par-  
te fremebant hæretici, d' Senatū supplicem libellum  
obtulerunt, quo petebant, ut suos sibi conuentus tuto  
palam celebrare liceret; liberumq. cuilibet esset, quā  
uellet, religionem sectari; Senatumq. in eam rem in-  
clinantem, Catholicorum constantia consensioq. erexit.  
Quare cum iam res ad seditionem spectaret, Episcopū  
Leodiensem, d' Iuliensem Ducem Imperator misit  
qui res componerent; deditq. ad Senatum cinesq. litte-  
ras, quibus imperabat, ut Magistratus ex Catholicorum  
corpo re crearentur, neq. quidquam in ijs, quæ ad  
religionē pertinerent, nouaretur. Cū autem Comitio-  
rū tēpus aduenisset, unaquæq. factio sui corporis, Con-  
sules creauit. Commissarij, ex Imperatoris sententia  
eos

eos Consules, quos Catholici iussissent, confirmarunt;  
 usq. Reip. gubernacula tradiderunt. Id ægre ferentes  
 heretici, ipsis Commissariis inspectantibus, manu fa-  
 cta, curiam, forum, portas vrbis occupant; clavesq.  
 ciuitatis Consuli catholico extorquent: Re cognita Im-  
 perator uehementer commotus est, omniaq. resti-  
 tui iussit; Electoribus præterea Treuirensi &  
 Colonensi negotium dedit, ut tumultum  
 compescerent. Nostri interea  
 Coloniam secesserunt,  
 tantisperdum res  
 sedetur, quod  
 breuifore  
 spara-  
 mus.



COLLEGIA MINGOF.

PRO-